

Ordú na Cúirte Ginearálta an 15 Nollaig 2022 – Leonardo v Frontex(Cás T-675/20) ⁽¹⁾

(Rochtain ar dhoiciméid – Rialachán (CE) Uimh. 1049/2001 – Nós imeachta tairisceana – Seirbhís aerfhaireachais – Córas aerárthaigh chianrialaithe – Diúltú rochtana – Iarraidh ón dá phríomhpháirtí nach gá breith a thabhairt – Neamhláithreacht tarraingthe siar – Riar cuí an cheartais – Cás nach dtéann ar aghaidh chun breithiúnais)

(2023/C 63/60)

Teanga an cháis: an Iodáilis

Páirtithe

Iarratasóir: Leonardo SpA (an Róimh, an Iodáil) (ionadaithe: M. Esposito, F. Caccioppoli agus G. Calamo, Dlíodóirí)

Cosantóir: an Ghníomhaireacht Eorpach um an nGarda Teorann agus Cósta (ionadaithe: H. Caniard, T. Knäbe agus W. Szmidt, Gníomhairí, le cúnamah ó B. Wägenbaur, Dlíodóir)

Ábhar

Trína chaingean atá bunaithe ar Airteagal 263 CFAE, iarann an t-iarratasóir, go bunúsach, go ndéanfaí an cinneadh ón nGníomhaireacht Eorpach um an nGarda Teorann agus Cósta (Frontex) an 5 Deireadh Fómhair 2020, lenar dhiúltaigh an Ghníomhaireacht an t-iarratas dearbhúcháin ar rochtain ar dhoiciméid arna dtíolacadh ag an iarratasóir de bhun Rialachán (CE) Uimh. 1049/2001 ó Pharlaimint na hEorpa agus ón gComhairle an 30 Bealtaine 2001 maidir le rochtain phoiblí ar dhoiciméid ó Pharlaimint na hEorpa, ón gComhairle agus ón gCoimisiún (IO 2001 L 145, lch. 43) a neamhniú.

An chuid oibríochtúil

- 1) Ní gá a thuilleadh don chaingean dul ar aghaidh chun breithiúnais.
- 2) Ordaítear do Leonardo SpA a chostais féin agus costais na Gníomhaireachta Eorpaí um an nGarda Teorann agus Cósta (Frontex) a íoc.

⁽¹⁾ IO C 19, 18.1.2021.

Ordú na Cúirte Ginearálta an 19 Nollaig 2022 – XH v an Coimisiún(Cás T-522/21) ⁽¹⁾

(Seirbhís Shibhialta – Oifigigh – Ardú céime – Cleachtadh um ardú céime 2020 – Cinneadh lena ndiúltaítear comhad Sysper an iarratasóra a leasú – Cinneadh gan ardú céime a bhronnadh ar an iarratasóir – Teorainneacha ama le haghaidh achomhairc – Ceist leasa poiblí – Pointe tosaigh – Iarratas ar chúnamh dlí – Teorainneacha ama a chur ar fionraí – Ríomh na dteorainneacha ama – Moille – Foiche Dé nó force majeure – Earráid inmhaite – Do-ghlacacht)

(2023/C 63/61)

Teanga an cháis: an Béarla

Páirtithe

Iarratasóir: XH (ionadaí: K. Górný-Salwarowska, Dlíodóir)

Cosantóir: an Coimisiún Eorpach (ionadaithe: M. Brauhoff, L. Hohenecker agus L. Vernier, i gcáil Gníomhairí)

Maidir le:

Lena chaingean de bhun Airteagal 270 CFAE, iarann an t-iarratasóir, ar gcéad dul síos, go gcuirfí Cinneadh an Choimisiúin an 24 Samhain 2020 lena ndiúltaítear a comhad Sysper a leasú, arna dheimhniú le Cinneadh an 16 Meitheamh 2021 lena ndiúltaítear dá héileamh ar neamhni, agus ar an dara dul síos, go gcuirfí Cinneadh an Choimisiúin an 12 Samhain 2020 gan a hainm a chur leis an liosta d'oifigigh a bhain ardú céime amach in 2020, arna dheimhniú an 8 Meitheamh 2021 lena ndiúltaítear dá héileamh, ar neamhni, agus ar an tríú dul síos, cúiteamh as an damáiste a bhain di.

An chuid oibríochtúil

1. Diúltaítear don chaingean mar gheall ar a bheith do-ghlactha.
2. Ordaítear do XH na costais a íoc.

(¹) IO C 237, an 20.6.2022

Ordú na Cúirte Ginearálta an 7 Nollaig 2022 – WhatsApp Ireland v an Bord Eorpach um Chosaint Sonraí

(Cás T-709/21) (¹)

(Caingean le haghaidh neamhniú – sonraí pearsanta a chosaint – Dréachtchinneadh ón bpríomhúdarás – Réiteach díospóidí idir údaráis mhaoirseachta ag an mBord Eorpach um Chosaint Sonraí – Cinneadh ceangailteach – Airteagal 60(4) agus Airteagal 65(1)(a) de Rialachán (AE) 2016/679 – Acht nach bhfuil faoi réir achomhairc – Gníomh ullmhúcháin – Easpa cúraim dhírigh)

(2023/C 63/62)

Teanga an cháis: an Béarla

Páirtithe

Iarratasóir: WhatsApp Ireland Ltd (Baile Átha Cliath, Éire) (ionadaithe: H.-G. Kamann, F. Louis, A. Vallery, Dlíodóirí, P. Nolan, B. Johnston, C. Monaghan, Aturnaetha, P. Sreenan, D. McGrath, SC, C. Geoghegan agus E. Egan McGrath, Abhcóidí)

Cosantóir: an Bord Eorpach um Chosaint Sonraí (ionadaithe: I. Vereecken agus G. Le Grand, Gníomhairí, le cúnamh ó G. Ryelandt, E. de Lophem agus P. Vernet, Dlíodóirí)

Ábhar

Trína chaingean atá bunaithe ar Airteagal 263 CFAE, iarrann an t-iarratasóir go ndéanfaí an cinneadh ceangailteach 1/2021 ón mBord Eorpach um Chosaint Sonraí an 28 Iúil 2021, a bhaineann leis an díospóid idir na húdaráis mhaoirseachta lena mbaineann a d'eascair as an dréachtchinneadh maidir le Whatsapp arna dhreachtú ag an Data Protection Commission (údarás maoirseachta um chosaint sonraí pearsanta do dhaoine nádúrtha, Éire) a neamhniú.

An chuid oibríochtúil

- 1) Diúltaítear don chaingean toisc é a bheith do-ghlactha.
- 2) Ní gá a thuilleadh rialú a dhéanamh ar na hiarrataí ar idirgairt ó Phoblacht na Fionlainne, ón gCoimisiún Eorpach, ón Maoirseoir Eorpach ar Chosaint Sonraí agus ón Computer & Communication Industry Association, ná maidir leis na hiarrataí ar rúndacht a ba chúis leo.
- 3) Ordaítear do WhatsApp Ireland Ltd a chostais féin agus na costais arna dtabhú ag an mBord Eorpach um Chosaint Sonraí, cé is moite de na costais a bhaineann leis na hiarrataí ar idirgairt, a íoc.
- 4) Ordaítear don Bhord Eorpach um Chosaint Sonraí, Poblacht na Fionlainne, an Coimisiún, an Maoirseoir Eorpach ar Chosaint Sonraí agus Computer & Communication Industry Association faoi seach a gcostas féin a bhaineann leis na hiarratais ar idirgairt a íoc.

(¹) IO C 2, 3.1.2022.